



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

### ACTA Nº 2022/9

#### SESIÓN EXTRAORDINARIA DO PLENO DA CORPORACIÓN

Lugar: Salón de Plenos da Casa Consistorial –semipresencial sen público  
Data: xoves 11 de agosto de 2022  
Hora de comezo: 20:09 horas en primeira convocatoria  
Hora de remate: 20:43 horas

Enlace acta dixital: [https://youtu.be/p\\_8Y\\_PwJr1s](https://youtu.be/p_8Y_PwJr1s)

#### ASISTENTES:

##### Alcalde:

José Andrés García Cardeso (PP)

##### Concelleiros:

José Manuel Landeira Liñares (PP)

Alicia Blanco Sande (PP)

María Rosa Ramos Freita (PP)

Francisco Pérez Redondo (PP)

José Antonio Pereira Gil (PSdeG-PSOE)

Mónica González Blanco (PSdG-PSOE)

Jesús Manuel Pena Varela (PSdG-PSOE)

Ana Paramos Cebey (PSdG-PSOE)

César Ramos Domínguez (CxG)

Lorena Trillo López (CxG)

#### AUSENTES

Non hai ausentes

Actúa como secretario do Pleno o secretario-interventor da Corporación, Ricardo Garrido Caneda.

Constitúese o Pleno da Excelentísima Corporación en sesión EXTRAORDINARIA conforme á convocatoria e segundo a orde do día que se remitiu aos concelleiros coa antelación legalmente requirida.



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

Orde do día:

### I PARTE RESOLUTORIA

1. Aprobación, se procede, do ditame de aprobación dos festivos locais do Concello da Baña para o ano 2023.
2. Aprobación, se procede, do ditame de aprobación da solicitude do POS+ AD/2 2022 plan provincial de cooperación ás obras e servizos de competencia municipal (Plan Único de Concellos).
3. Aprobación do ditame de aprobación inicial do orzamento do ano 2022.

#### **1. Aprobación, se procede, do ditame de aprobación dos festivos locais do Concello da Baña para o ano 2023.**

Dáse conta do ditame da Comisión única asuntos do Pleno, con data do 8 de agosto de 2022 que se seguido se transcribe:

**"DITAME DE APROBACIÓN DAS DATAS SINALADAS COMO FESTIVOS LOCAIS DO CONCELLO DA BAÑA PARA O ANO 2023:**

*Expte. TEDEC: 2022/X999/000048 (Festivos).*

*Expte. TEDEC: 2022/G006/000517 (Proposta).*

*Expte. TEDEC: 2022/G012/000007 (Com. Informat.).*

*Expte. TEDEC: 2022/G010/000009 (Pleno).*

*Vista a necesidade de determinar e sinalar as datas correspondentes ás festividades locais para o exercicio 2023 tra-la recepción da correspondente comunicación realizada pola Xunta de Galicia, con número de rexistro 202200000000177, de data 28/07/2022.*

*Vista a necesidade de comunicar esas datas ó referido organismo tra-la aprobación polo Pleno desta entidade local das datas oportunas.*



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

*Visto que é costume neste Concello declarar como festivo local o 22 de xaneiro, día da celebración de San Vicente (Patrón da Baña), e o día 9 de setembro (Virxe das Dores).*

*Visto que ámbalas dúas datas coinciden en fin de semana no ano 2023.*

*Visto que tamén se teñen declarado festivos locais noutras ocasións o Martes de Entroido e 8 de setembro (Virxe do Bo Suceso)*

*Examinada por parte desta Comisión Informativa a documentación obrante no expediente de referencia e emitidas as seguintes consideracións por parte dos membros da mesma:*

- *O Alcalde, don Jose Andrés García Cardeso, procede a dar lectura á proposta de ditame.*
- *Os concelleiros do grupo socialista anuncian a reserva do voto.*
- *Non se producen máis intervencións.*

*En virtude do disposto nos artigos 123 e ss. do Real Decreto 2568/1986, de 28 de novembro, mediante o que se aproba o Regulamento de organización e, funcionamento e réxime xurídico das Entidades Locais, esta comisión informativa ditamina o seguinte, con tres votos favorables (Partido Popular e Compromiso por Galicia), ningún voto en contra e dúas abstencións (PSdG - PSOE):*

*Primeiro: Declarar como festivos locais do concello da Baña para o ano 2023 as datas 21 de febreiro (Martes de Entroido) e 8 de setembro (Virxe do Bo Suceso).*

*Segundo: Se de traslado do presente acordo ós servizos municipais responsables da súa tramitación así como a aqueles terceiros interesados que obren no expediente."*

O Sr. alcalde explica os dous días que se escolleron como festivos locais do Concello da Baña para o ano 2023: Martes de Entroido e 8 de setembro (Virxe do Bo Suceso). O martes de Entroido é mellor non poñerlle día porque pode variar, é mellor deixalo como martes de Entroido.



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

O voceiro do grupo municipal do Partido Socialista non ten nada que dicir ao respecto.

En virtude do disposto nos artigos 123 e ss. do Real Decreto 2568/1986, de 28 de novembro, mediante o que se aproba o Regulamento de organización e, funcionamento e réxime xurídico das Entidades Locais, O Pleno da Corporación aproba, por unanimidade, o seguinte:

**Primeiro:** Declarar como festivos locais do concello da Baña para o ano 2023 as datas 21 de febreiro (Martes de Entroido) e 8 de setembro (Virxe do Bo Suceso).

**Segundo:** Se de traslado do presente acordo ós servizos municipais responsables da súa tramitación así como a aqueles terceiros interesados que obren no expediente.

### **2. Aprobación, se procede, do ditame de aprobación da solicitude do POS+ AD/2 2022 plan provincial de cooperación ás obras e servizos de competencia municipal (Plan Único de Concellos).**

Dáse conta do ditame da Comisión única asuntos do Pleno, con data do 8 de agosto de 2022 que se seguido se transcribe:

*“DITAME DA SOLICITUDE DO POS+ AD/2 2022 PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL (PLAN ÚNICO DE CONCELLOS) .*

*Expte. TEDEC: 2022/A008/000038 (Subv.).*

*Expte. TEDEC: 2022/G006/000518 (Prop.).*

*Expte. TEDEC: 2022/G012/000007 (Com. Informativa).*

*Expte. TEDEC: 2022/G010/000009 (Pleno).*

*Vistas as Bases Reguladoras do “Plan provincial de cooperación ás obras e servizos de competencia municipal (Plan único de concellos) “POS+ 2022” publicado no BOP A Coruña núm. 228, de 30 de novembro.*



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

*Vista a modificación das Bases Reguladoras do "Plan provincial de cooperación ás obras e servizos de competencia municipal (Plan único de concellos) "POS+ 2022" para a regulación do POS+ Adicional 2/2022, para o financiamento de gastos correntes do exercicio 2022, investimentos financeiramente sostíbles e revisión excepcional de prezos nos contratos públicos de obras municipais publicado no BOP A Coruña núm. 102, de 31 de maio.*

*Visto que a base trece das referidas Bases Reguladoras establece dúas liñas ou fases para a solicitude do POS+ Adicional 2022, a saber:*

### **1.º FASE DO POS+ADICIONAL 2/2022 UNICAMENTE PARA INVESTIMENTOS DO PLAN COMPLEMENTARIO.**

*Os concellos que desexen financiar con cargo ao POS+ Adicional 2/2022 investimentos xa previstos no Plan Complementario ao POS+ 2022 deberán presentar nesta Deputación, a través da plataforma de tramitación telemática SUBTEL, desde o 15 de xuño de 2022 ata as 15.00 horas do 30 de xuño de 2022, a seguinte documentación:*

#### **A.-ACORDO OU RESOLUCIÓN DE APROBACIÓN (Anexo XXII-a) (Convocatoria POS+AD2a- SOLICITUDE 2022)**

*Tendo en conta que o Pleno dos concellos xa aprobou os seus investimentos financeiramente sostíbles incluídos no Plan Complementario ao POS+ 2022, non será necesario que neste momento se aprobe novamente mediante acordo plenario a conformidade do concello coa aplicación da nova achega provincial asignada ao financiamento de todos ou algúns dos investimentos que ese concello tiña incluídos no Plan Complementario, sendo suficiente para estes efectos ou Resolución da Alcaldía ou Acordo da Xunta de Goberno Local, segundo corresponda.*

*O Acordo ou Resolución do concello de aplicación da maior achega provincial asignada ao financiamento dos investimentos incluídos no Plan Complementario ao POS+ 2022 deberá indicar a denominación do investimento ou investimentos do Plan Complementario que solicita aprobar definitivamente, desagregando a achega provincial aplicada e, de ser o caso, a achega municipal que voluntariamente realice. No caso de realizar achega municipal, deberá declararse que o concello ten crédito*



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

*ou se compromete a consignalo no seu orzamento para o seu financiamento.  
Empregarase o modelo que figura como modelo Anexo XXII-a).*

### **B.-PROXECTOS E DEMAIS DOCUMENTACIÓN (Anexo XXIII)** (Convocatoria POS+AD2a- OBRASSUM 2022)

*Dado que se trata de investimentos aprobados no Plan Complementario ao POS+ 2022, cuxa documentación xa está subida na plataforma SUBTEL, unicamente é necesario que o concello suba un escrito asinado pola Alcaldía confirmando que os proxectos e demais documentación son os mesmos, segundo o modelo que figura como modelo Anexo XXIII.*

*No suposto de que o investimento incluído no Plan Complementario ao POS+ 2022 estivese sometido a condicións que aínda non fosen declaradas cumpridas, o concello poderá solicitar a aplicación ao dito investimento desta maior achega provincial, pero na aprobación que realice esta Deputación seguirá igualmente condicionado, e non se poderá contratar nin executar ata que esta Deputación, á vista da documentación que presente o concello, declare o seu cumprimento.*

### **2.º FASE DO POS+ ADICIONAL 2/2022 CON GASTO CORRENTE, NOVOS INVESTIMENTOS FINANCEIRAMENTE SOSTIBLES E REVISIÓN EXCEPCIONAL DE PREZOS**

*Os concellos que desexen financiar no POS+ Adicional 2/2022 gasto corrente de servizos públicos obrigatorios, novos investimentos financeiramente sostibles non incluídos no Plan Complementario e/ou revisión excepcional de prezos dos contratos públicos de obras municipais, deberán presentar nesta Deputación, a través da plataforma de tramitación telemática SUBTEL, desde o 5 de xullo de 2022 ata as 15.00 horas do 5 de outubro de 2022, a seguinte documentación:*

### **A.-ACORDO DE SOLICITUDE PARA PARTICIPAR NO PLAN (Anexo XXII-b)** (Convocatoria POS+AD2b- SOLICITUDE 2022)

*O concello deberá presentar unha certificación do Acordo adoptado polo Pleno do concello ou de quen corresponda nos municipios de gran poboación, solicitando a inclusión neste Plan Adicional do gasto corrente de servizos públicos obrigatorios*



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

*e/ou de novos investimentos financeiramente sostibles non incluídos no Plan Complementario e/ou revisión excepcional de prezos dos contratos públicos de obras municipais, segundo o modelo Anexo XXII-b).*

*O acordo plenario deberá indicar a denominación dos novos investimentos financeiramente sostibles solicitados, desagregando a achega provincial aplicada e, de ser o caso, a achega municipal que voluntariamente realice. No caso de realizar algunha achega municipal, deberá declararse que o concello ten crédito ou se compromete a consignalo no seu orzamento para o seu financiamento.*

### **B.-INFORME DA INTERVENCIÓN OU SECRETARÍA-INTERVENCIÓN DE PREVISIÓN DE GASTOS CORRENTES 2022 (Anexo IV)** (Convocatoria POS+AD2b-GASTO CORRENTE 2022)

*Informe elaborado pola Intervención ou a Secretaría-Intervención do concello, ou quen corresponda nos municipios de gran poboación, segundo o modelo que figura como Anexo IV a estas Bases, no que se conteña unha previsión para o exercicio 2022 dos gastos correntes directamente asociados ao funcionamento dos servizos públicos obrigatorios en cada concello segundo o establecido na lexislación vixente.*

*Neste Anexo IV deberá detallarse a cantidade que efectivamente financia o concello, excluíndose polo tanto o importe doutros ingresos públicos ou privados asociados á realización deses gastos, coa finalidade de que non exista un exceso de financiamento.*

*O concello deberá cubrir neste Anexo unicamente os datos dos gastos aos que desexe aplicar o financiamento con cargo a este Plan, sempre que como mínimo acaden o importe da achega provincial asignada, non sendo preciso cubrir os datos de todos os gastos que figuran no Anexo.*

### **C.-PROXECTOS E DE MAIS DOCUMENTACIÓN DE INVESTIMENTOS FINANCEIRAMENTE SOSTIBLES NON INCLUÍDOS NO PLAN COMPLEMENTARIO** (Documentación da Base 5.B.2) (Convocatoria POS+AD2b- OBRASSUM 2022)

*Dado que se trata de novos investimentos, o concello deberá subir á plataforma Subtel os documentos esixidos nas Bases reguladoras do POS+ 2022 para os*





## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

*investimentos financeiramente sostibles, que son os que a continuación se indican, utilizando os Anexos que figuran na plataforma Subtel:*

- *Proxecto técnico da obra ou prego da subministración.*
- *Anexo V: informe técnico sobre o investimento.*
- *Anexo VI: Informe técnico xurídico sobre a dispoñibilidade dos terreos.*
- *Anexo VII: Memoria económica da Alcaldía sobre o investimento financeiramente sostible.*
- *Anexo VIII: Informe da Intervención ou Secretaría-Intervención sobre o investimento.*

*Para o caso de que proceda, deberán subirse ademais os seguintes documentos:*

- *Anexo IX: Certificación do acordo ou resolución relativo á non división en lotes.*
- *Anexo X: Informe sobre investimentos relativos ao ciclo da auga.*

### **D.-INFORME DA INTERVENCIÓN OU SECRETARÍA-INTERVENCIÓN DE PREVISIÓN DOS CUSTOS DE REVISIÓN EXCEPCIONAL DE PREZOS DOS CONTRATOS PÚBLICOS DE OBRAS MUNICIPAIS**

**(Anexo XXIV)**

**(Convocatoria POS+AD2-REVISIÓN EXCEPCIONAL DE PREZOS)**

*Informe elaborado pola Intervención ou a Secretaría-Intervención do concello, ou quen corresponda nos municipios de gran poboación, segundo o modelo que figura como Anexo XXIV a este expediente, no que se conteña unha previsión dos custos da revisión excepcional de prezos dos contratos públicos de obras municipais en cada concello segundo o establecido na lexislación vixente (Real decreto lei 3/2022, do 1 de marzo e Real decreto lei 6/2022, do 29 de marzo).*

*Neste Anexo XXIV deberá detallarse a cantidade que estime que terá que financiar o concello, excluíndose polo tanto o importe doutras subvencións para a mesma finalidade para que non exista un exceso de financiamento.*

*Visto que o obxecto do presente acordo é a aprobación da solicitude correspondente á segunda fase do POS+ Adicional 2/2022 (gasto corrente, novos investimentos*





## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

*financeiramente sostibiles e revisión excepcional de prezos), prevéndose só a solicitude para gasto corrente.*

*Visto que o importe do POS+ADICIONAL 2/2022 asignada a este Concello é a que figura na seguinte táboa, segundo consta na circular remitida a este Concello por parte da Deputación da Coruña en xuño de 2022.*

ASIGNACIÓN POS+ AD 2/2022	
Concello: A BAÑA	
Achega provincial 2022	412.001,29 €

*Visto que mediante resolución de Alcaldía con número de Decreto 286/2022, de 28 de xuño de 2022, acordouse, entre outros asuntos, o seguinte:*

*Aprobar a participación no Plan provincial de cooperación ás obras e servizos de competencia municipal (Plan único de concellos) "POS+ ADICIONAL 2/2022" da Deputación Provincial da Coruña, cuxas Bases se coñecen e aceptan na súa totalidade, confirmando a aplicación da maior achega provincial asignada ao financiamento dos investimentos financeiramente sostibiles que xa tiña incluídos no Plan Complementario ao POS+ 2022, tal e como se indica a continuación:*

Investimentos financeiramente sostibiles incluídos no Plan Complementario ao POS+ 2022	Financiamento dos investimentos				
	Deputación	Concello			Orzamento total
		Achega municipal	IVE soportado deducible	Total concello	
Saneamento Liñares – San Salvador	177.843,57 €	0,00	0,00	0,00	177.843,57 €
TOTAL	177.843,57 €	0,00	0,00	0,00	177.843,57 €

*Visto que para o financiamento dos gastos correntes resta un total de 234.157,72 €.*

*Visto que segundo se recolleu con anterioridade, para a presentación de dita solicitude é preciso adxuntar a seguinte documentación:*



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

*A.-ACORDO DE SOLICITUDE PARA PARTICIPAR NO PLAN (Anexo XXII-b)  
(Convocatoria POS+AD2b- SOLICITUDE 2022)*

*B.-INFORME DA INTERVENCIÓN OU SECRETARÍA-INTERVENCIÓN DE  
PREVISIÓN DE GASTOS CORRENTES 2022 (Anexo IV)  
(Convocatoria POS+AD2b-GASTO CORRENTE 2022)*

*Visto que consta no expediente a presentación da documentación precisa para  
proceder á solicitude da subvención correspondente a través da plataforma SUBTEL  
da Deputación da Coruña.*

*Examinada por parte desta Comisión Informativa a documentación obrante no  
expediente de  
referencia e emitidas as seguintes consideracións por parte dos membros da mesma:*

- O Alcalde, don Jose Andrés García Cardeso, procede a dar lectura á proposta de ditame.*
- Os concelleiros do grupo socialista anuncian a reserva do voto.*
- Non se producen máis intervencións.*

*En virtude do disposto nos artigos 123 e ss. do Real Decreto 2568/1986, de 28 de novembro, mediante o que se aproba o Regulamento de organización e, funcionamento e réxime xurídico das Entidades Locais, esta comisión informativa ditamina o seguinte, con tres votos favorables (Partido Popular e Compromiso por Galicia), ningún voto en contra e dúas abstencións (PSdG - PSOE):*

*Primeiro: Participar no Plan provincial de cooperación ás obras e servizos de competencia municipal (Plan único de concellos) "POS+ ADICIONAL 2/2022" da Deputación Provincial da Coruña, cuxas Bases se coñecen e aceptan na súa totalidade, e solicitar a aplicación da achega provincial asignada aos obxectos que se indican a continuación:*

*A ) Financiamento de gastos correntes:*



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

Gastos correntes	Deputación
Achega provincial aplicada ao financiamento de gastos correntes devengados en 2022	234.157,72

### B) Resumo de financiamento:

POS+ ADICIONAL 2/2022	Deputación	Concello			Orzamento Total
		Concello	IVE Soportado deducible (só abastecem. auga potable )	Total concello	
Gastos correntes servizos obrigatorios	234.157,72				234.157,72
TOTAL	234.157,72				234.157,72

Segundo: Declarar que o concello non solicitou nin percibiu ningunha subvención doutras Administracións públicas para o financiamento das distintas actuacións incluídas neste Plan, e no caso de que existan axudas ou subvencións concorrentes doutras Administracións, achégase o detalle de cada unha delas, acreditándose que a súa suma total non supera o 100% do seu importe.

Terceiro: Autorízase á Deputación Provincial da Coruña a obter as certificacións da Axencia Estatal de Administración Tributaria e da Tesourería da Seguridade Social nas que se acredite que o concello está ao corrente nas súas obrigas tributarias e coa Seguridade Social.

Cuarto: Facultar expresamente á Alcaldía para todo o relacionado coa tramitación e xestión do presente acordo e o correspondente expediente."

Quinto: Se lle de traslado do presente acordo ós servizos municipais responsables da súa tramitación así como a aqueles terceiros interesados que obren no expediente."

O Sr. alcalde: Dentro do POS ían unha relación de obras do Plan Complementario polo que fixemos xa a solicitude, quedan uns cartos que consideramos que temos que metelos dentro do gasto corrente, esa é a proposta que levamos a Comisión Informativa e que traemos hoxe aquí ao Pleno para a súa aprobación.

O voceiro do grupo municipal do Partido Socialista, Sr. José Antonio Pereira: Unha vez máis vemos como vostedes din unha cousa e despois fan outra. Durante o noso mandato, no ano 2020 e presentando un informe do secretario-interventor e ante



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

a necesidade de deixar 147.000 euros do POS adicional para gasto corrente xa que de non facelo poñíase en risco a estabilidade económica do Concello, vostede e o seu socio soamente nos deixaron deixar 47.000 euros, o resto fixeron que se adicaran a obras financeiramente sostibiles. No ano 2021, coa súa maioría, xo permitiron que deixáramos 45.000 euros para gasto corrente, o que dificultou o pago dos provedores no segundo semestre do ano pasado. Agora van vostedes e na primeira partida do POS deixan 119.000 euros e aos poucos días modifican e na proposta deixan 200.000 euros, anulando o proxecto da plataforma de numeración dixital municipal valorada en 76.521,56 euros, que por certo, non quixeron que se fixera con fondos propios, e agora engaden outros 234.000 euros o que fai un total de preto de 440.000 euros para gasto corrente. Teñen máis cara que lombo. Durante o noso goberno soamente nos permitir deixar 45.000 euros e agora vostedes deixan 440.000 euros. A pasos axigantados descúbrense vostedes mesmos. O que antes non valía agora vale. Fixeron unha montaxe, con nos non valía e agora vostedes apróbano empregando as mesmas bases que presentamos nos. Pouco a pouco van deixando claro que durante o noso mandato o único que lles interesaba era bloquear o Concello e dificultar o mandato do Partido Socialista, sen importarlle para nada os intereses da veciñanza. Non imos participar nesta trama, son vostedes uns auténticos trileros, xogan ao engano, non teñen principios. Soamente pensan nos seus propios intereses. Deixan obras importantes sen facer destinando cartos a gasto corrente. Non imos bloquear esta votación pero dende logo que non vai a ter o noso voto a favor.

O Sr. alcalde: Vostede nomeou a obra de Saneamento en Seilán, como verá esa obra está facendo o proxecto Estradas dende o límite con Negreira ata pasar Seilán. Invíttolle que de vez en cando pase por alí e vesa a empresa Injuver para que vesa como é certo que están facendo o proxecto. Se o consenso para vostede non é dialogar, naquel momento vostedes puxeron algunha postura clara cara nos?. Viñeron aquí un 24 de xullo para guisar e comer vostedes o asunto. Nos non estabamos para esa tomadura de pelo, sabe vostede moi ben que se lle avisou pola mañá que a hora que propoñían vostedes era intempestiva, pero vostedes non entenden de diálogo. Así pasou, polo que nos propoñemos, neste adicional, e coas circunstancias dunha inflación dun 10%, estase gastando un container de gasóleo en dez días, ao prezo que está o gasóleo, pero estase gastando nos traballos que está realizando a brigada, sobre todo, nos tres tractores que fan traballos de desbrozar. Polo tanto no tema do combustible e da luz hai que ir ao básico e atender as necesidades dos veciños, que son necesidades básicas de mantemento. Esta é a nosa postura de traer isto aquí como cando foi o tema do gasto social. Esta é a nosa proposta e polo tanto, podemos discutir ou ter outras ideas, paréceme correcto, se non quere votar a favor non o faga pero a nosa proposta é convincente e coherente coas necesidades do noso Concello.

O voceiro do Grupo Municipal do Partido Socialista, Sr. José Antonio Pereira: E fai un ano parecíalle coherente 45.000 euros para gasto corrente?.



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

O Sr. alcalde: Fai un ano non aprobamos o orzamento. Estamos falando do gasto adicional que se deixa do POS para gasto corrente. Vostedes, naquel momento, obrigaron a que soamente deixáramos 45.000 euros e agora veñen aquí aprobando un total de 440.000 euros.

O Sr. alcalde: Iso non foi o ano pasado foi no ano 2020.

O voceiro do grupo municipal do Partido Socialista, Sr. José Antonio Pereira: No ano 2020 foron 40.000 euros e no 2021 foron 45.000 euros, iso foi o que vostedes nos obrigaron a deixar aínda sabendo que había un informe do secretario -interventor onde se dicía que había que deixar mínimo 47.000 euros pero vostedes votaron que non. Xa se ve que antes no valía e agora deixan practicamente medio millón de euros para gasto corrente, deixando unha serie de obras prioritarias. Esa é a súa forma de gobernar.

O Sr. alcalde: José Antonio de contos anda ben, agora de contas non anda tan ben, voulle dicir unha cousa, o gasto corrente forma parte de algo que cando son adicionais...vostede liu circular de Deputación?, pois se a liu interprétea e aplíquea. Cando vostede estivo de alcalde quixo impoñer o seu criterio. Nos consideramos que para os nosos veciños e veciñas, ter un colchón de gasto corrente polas necesidades prioritarias que están pasado polo tema da inflación que no mes de febreiro a día de hoxe disparouse unha barbaridade, o que antes valía dez agora vale 50, non queira aludir vostede a realidade. Esa é a nosa proposta pero se vostede quere votar en contra fágao.

En virtude do disposto nos artigos 123 e ss. do Real Decreto 2568/1986, de 28 de novembro, mediante o que se aproba o Regulamento de organización e, funcionamento e réxime xurídico das Entidades Locais, O Pleno da Corporación aproba, por maioría o seguinte, con sete votos favorables (Partido Popular e Compromiso por Galicia), catro votos en contra (Partido Socialista) e ningunha abstención:

**Primeiro:** Participar no Plan provincial de cooperación ás obras e servizos de competencia municipal (Plan único de concellos) **"POS+ ADICIONAL 2/2022"** da Deputación Provincial da Coruña, cuxas Bases se coñecen e aceptan na súa totalidade, e solicitar a aplicación da achega provincial asignada aos obxectos que se indican a continuación:



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

### A ) Financiamento de gastos correntes:

Gastos correntes	Deputación
Achega provincial aplicada ao financiamento de gastos correntes devengados en 2022	234.157,72

### B) Resumo de financiamento:

POS+ ADICIONAL 2/2022	Deputación	Concello			Orzamento Total
		Concello	IVE Soportado deducible (só abastecem. auga potable )	Total concello	
Gastos correntes servizos obrigatorios	234.157,72				234.157,72
TOTAL	234.157,72				234.157,72

**Segundo:** Declarar que o concello non solicitou nin percibiu ningunha subvención doutras Administracións públicas para o financiamento das distintas actuacións incluídas neste Plan, e no caso de que existan axudas ou subvencións concorrentes doutras Administracións, achégase o detalle de cada unha delas, acreditándose que a súa suma total non supera o 100% do seu importe.

**Terceiro:** Autorízase á Deputación Provincial da Coruña a obter as certificacións da Axencia Estatal de Administración Tributaria e da Tesourería da Seguridade Social nas que se acredite que o concello está ao corrente nas súas obrigas tributarias e coa Seguridade Social.

**Cuarto:** Facultar expresamente á Alcaldía para todo o relacionado coa tramitación e xestión do presente acordo e o correspondente expediente."

**Quinto:** Se lle de traslado do presente acordo ós servizos municipais responsables da súa tramitación así como a aqueles terceiros interesados que obren no expediente

### 3. Aprobación do ditame de aprobación inicial do orzamento do ano 2022.

Dáse conta do ditame da Comisión única asuntos do Pleno, con data do 8 de agosto de 2022 que se seguido se transcribe:



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

### **"DITAME DE APROBACIÓN DA COMISIÓN ESPECIAL DE CONTAS RELATIVA Á APROBACIÓN INICIAL DO ORZAMENTO DO CONCELLO DA BAÑA CORRESPONDENTE Ó EXERCICIO 2022.**

Expte. TEDEC: 2022/T004/000002 (Orzamento).  
Expte. TEDEC: 2022/G006/000519 (Proposta).  
Expte. TEDED: 2022/G012/000001 (Com. Esp. Contas).  
Expte. TEDED: 2022/G010/000009 (Pleno).

*Visto o réxime xurídico previsto nos artigos 162 e seguintes do Real Decreto Lexislativo 2/2004, de 5 de marzo, mediante o que se aproba o Texto Refundido da Lei Reguladora das Facendas Locais, refrente á conta xeral das entidades locais.*

*Visto que a documentación obrante no expediente administrativo de referencia se corresponde cos requisitos establecidos no artigo 164 do referido RDLex 2/2004.*

*Visto o Orzamento Xeral deste Concello correspondente ao exercicio económico 2022, así como, as súas Bases de Execución, a proposta de Investimentos e a relación de Persoal comprensivo de todos os postos de traballo, de conformidade co disposto nos artigos 168 e 169 do Texto Refundido da Lei Reguladora de Facendas Locais aprobado por Real Decreto Lexislativo 2/2004 de 5 de marzo, e o artigo 18 do Real Decreto 500/1990, de 20 de abril, polo que se desenvolve o Capítulo I do Título VI da Lei 39/1988.*

*Visto que constan os informes do Interventor municipal e o Informe de Intervención de Avaliación do Cumprimento do Obxectivo de Estabilidade Orzamentaria e da Débeda, do que se desprende que a situación é de equilibrio e máis o cumprimento do déficit. Non se analiza a regra do gasto, por non pedilo así a normativa vixente, se ben o interventor fai constar que a mesma será esixida con motivo da liquidación do presente orzamento.*

*Examinada por parte desta Comisión Especial de Contas a documentación obrante no expediente de referencia e emitidas as seguintes consideracións por parte dos membros da mesma:*

- O Alcalde, don Jose Andrés García Cardeso, procede a explicar os diferentes documentos que compoñen o expediente de tramitación dos orzamentos do Concello da Baña para o ano 2022, nomeadamente as bases de execución e os listados de partidas de ingresos e de gastos.





## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

*Detectouse un erro de transcripción no ámbito referido ós gastos de deportes. Concretamente, e por acordo da maioría dos membros da referida comisión, a partida 341.22699 minórase en 1.000,00€, figurando definitivamente co importe de 2.400,00€. En contraposición, engádese unha nova partida con número 341.48004, destinada a unha subvención nominativamente prevista nos orzamentos en favor do Club Fútbol Sala A Baña, con CIF G09837394, por importe de 1.000,00. Estas modificacións realizadas para corrixir un erro de transcripción non inflúen no sentido favorable dos informes emitidos con anterioridade á celebración da sesión da comisión especial de contas por parte da Secretaría - Intervención, unha vez comprobado que o impacto de ditas modificacións son ínfimas no total do orzamento.*

- *O concelleiro do grupo socialista, don Jose Antonio Pereira Gil realiza unha serie de preguntas a diversas partidas e cuestións concretas das bases de execución, que son respostadas sen xerar maior debate nin modificacións dos documentos traídos á consideración da comisión.*

*En virtude do disposto no artigo 116 da Lei 7/1985, de 2 de abril, Reguladora das Bases do Réxime Local e no artigo 127 do Real Decreto 2568/1986, de 28 de novembro, mediante o que se aproba o Regulamento de organización, funcionamento e réxime xurídico das Entidades Locais, esta comisión especial de contas dictamina o seguinte:*

*Primeiro: Aprobar inicialmente o Orzamento Xeral do Concello da Baña, para o exercicio económico 2022 xunto coas súas Bases de Execución, e por un importe total de 4.430.000,00 euros no orzamento de ingresos e de gastos.*

*Segundo. Aprobar inicialmente a plantilla de persoal, comprensiva de todos os postos de traballo reservados a funcionarios e persoal laboral.*

*Terceiro. Expoñer ao público o Orzamento Xeral para o 2022, as Bases de Execución e plantilla de persoal aprobados, por prazo de quince días hábiles, mediante anuncios no Boletín Oficial da Provincia da Provincia e taboleiro de anuncios do Concello, a efectos de presentación de reclamacións polos interesados.*

*Cuarto. Considerar elevados a definitivos estes acordos no caso de que non se presente ningunha reclamación.*

*Quinto. Remitir copia á Administración do Estado e da Xunta de Galicia*



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

*Sexto. Se de traslado do presente acordo ós servizos municipais responsables da súa tramitación así como a aqueles terceiros interesados que obren no expediente."*

O Sr. alcalde: Explica que hai un erro no título deste punto da orde do día xa que se puxo Concello de Vilasantar no lugar de Concello da Baña, pero xa queda corrixido. De seguido explica os diferentes documentos que compoñen o expediente de tramitación dos orzamentos do Concello da Baña para o ano 2022, as bases de execución e os listados de partidas de ingresos e de gastos. É necesario atender as necesidades básicas polo que se destinarán un millón e pico para gastos sociais, un 30% irá para inversións reais que se acometerán dentro do Concello.

O voceiro do Grupo Municipal do Partido Socialista Sr. José Antonio Pereira: e para A plataforma de numeración dixital municipal?.

O Sr. alcalde: Eso pode facerse con fondos propios que veñen dentro do gasto.

O voceiro do Grupo Municipal do Partido Socialista, Sr. José Antonio Pereira: Non está contemplado?.

O Sr. alcalde: Vai dentro do gasto corrente, entendemos que é unha obra prioritaria e esencial. Este é un presuposto real adecuada ás necesidades que temos agora mesmo. Este é un Concello rural pero por circunstancias gastouse máis en gasto social, como foi o caso da compra de máscaras, agora unha vez pasado o forte da pandemia temos que recuperar o curso normal.

O voceiro do Grupo Municipal do Partido Socialista, Sr. José Antonio Pereira: Tendo en conta que un dos motivos que alegaron vostedes para a presentación da Moción de Censura foi non aprobar os orzamentos, e por certo, nese momento esqueceuse que foi vostede quen gobernou dende o ano 2017 ata mediados do ano 2019 con eses mesmos orzamentos, quero dicir que cando vostede gobernou en maioría non lle preocupou gobernar con mesmos orzamentos durante tres anos, pero para gobernar o Partido Socialista parece ser que eses orzamentos non valían. Agora que está gobernando, tarda oito meses en traer a un Pleno un orzamentos. Outra causa da Moción foi a falta de diálogo coa oposición, recorda vostede a reunión que nos fixemos estando no goberno sobre os presupostos, unha reunión que se fixo antes da realización da Comisión de Contas a que asistiron a parte dos grupos políticos, a secretaria e a tesoureira; nesta reunión explicáronse as distintas partidas orzamentarias. Recordas as anteriores reunións previas ás comisións de contas e ás que foi convocado para que aportaran ideas e dixeran o que consideraban necesario para poder chegar a un consenso nos orzamentos, pero claro, a estas dúas non asistiu nin vostede nin o seu socio. Agora que vostede está gobernando, a cantas reunións nos citaron para elaborar os orzamentos antes da



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

Comisión de Contas?, diálogo dicían, ningunha, cero, esa é a súa maneira de gobernar e dialogar. O pasado luns cando vimos a documentación dos orzamentos, partida por partida, entendemos por que non nos convocaron a ningunha reunión co fin de elaborar de forma conxunta uns orzamentos, porque son os mesmos orzamentos que nos presentamos no ano 2021, todo o do capítulo 2 está aquí suliñado e é o mesmo que tiñamos nos orzamentos que presentamos no ano 2021. Adaptan os incrementos salariais do persoal, da seguridade social, cero, incorporan as posibles subvencións con ingresos e gastos, cero; retiran a partida que nos destinamos a subvencionar pola crise do COVID ás pequenas e medianas empresas, so o destinan a subvencionar asociacións. Todo o demais do capítulo II é exactamente igual ao que nos presentamos no ano 2021. O que vostedes, os do bipartito bloquearon de maneira sistemática co único fin de paralizar o Concello, xa o dixen máis veces, teñen vostedes máis cara que lombo, o que antes non valía, agora vale, igualiño que o bono taxi, antes non valía e agora vale, igual que deixar cartos do POS para gasto corrente, antes non valía e agora si vale, vostedes mesmos vanse desenmascarando pouco a pouco e os veciños vanse dando conta a que viñeron vostedes ao Concello. Imos aprobar estes orzamentos, porque son os nosos orzamentos e porque a diferenza de vostedes nos queremos o mellor para os veciños, gobernemos nos ou gobernen vostedes.

O Sr. alcalde: Agradezo o voso compromiso na aprobación destes orzamentos. Se ti consideras que son os mesmos, mellor para vos , pero mira os números.

O voceiro do Grupo Municipal do Partido Socialista, Sr. José Antonio Pereira: O capítulo II é igualito, un corta e pega

O Sr. alcalde: Sr. Pereira colla o desglose por partidas e verá que non é o mesmo que os vosos orzamentos, se vostede di que son os mesmos eu non entendo nada. Sume, ademais vostede no pediu nada para o Centro da Terceira Idade, tampouco para o centro onde estiveron actuando os do obradoiro de emprego, por poñer un exemplo, ou pediu algo para Servizos Sociais. Vostede non pedía nin tan sequera subvencións, dígollo así de claro, pero a vostede parécelle que é igual. Os números non coinciden os de antes cos de agora. Agradezo a vosa postura de que si isto serve para limar asperezas e que sexan beneficiarios os veciños , benvido sexa, pero non digamos o que non hai. Eu teño os outros orzamentos aquí e neles non aparecía o Centro da Terceira Idade?.

O voceiro do Grupo Municipal do Partido Socialista, Sr. José Antonio Pereira: Eu digo que o capítulo II é un corta e pega dos nosos orzamentos. A diferenza dos nosos orzamentos son, tanto en ingresos como en gastos, as posibles subvencións que teñen solicitado. O traballo dos orzamentos fíxose no ano 2021, vostedes o único que fixeron foi actualizar salarios, Seguridade Social e incorporar, tanto en ingresos como en gastos, as posibles subvencións así como o POS, o resto é todo igualito. Falaba vostede de deportes, pois



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

mire vostede que casualidade que onde promoción e fomento do deporte, aí si que hai unha pequena diferenza, nos destinábamos 84.300 euros e vostedes 79.400 euros, destinan vostedes incluso menos do que tiñamos nos nosos presupostos.

O Sr. alcalde: É curioso que sume máis a cantidade agora de 84.300 e en cambio vostedes que tiñan cerca de un millón de euros menos. A diferenza é abismal, o gasto de persoal dicir que o persoal non cambiou e aí ten que coincidir pero hai outras partidas que bailaron, e se bailaron é porque se incluíron partidas que antes non estaban contempladas. Trátase de facer solicitudes. Antes mencionou vostede o tema do saneamento en Seilán, chegará o momento en que se presente así ao igual que as obras do colexio.

O voceiro do Grupo Municipal do Partido Socialista, Sr. José Antonio Pereira: Remítome ao mesmo, o capítulo II é un copia e pega do que nos presentamos no ano 2021, a diferenza é que no capítulo I hai axustes en salarios e seguridade social que evidentemente subiu, e incorporan as posibles subvencións que solicitaron así como o POS, esas son as diferenzas, o resto das partidas do capítulo II son as mesmas que presentamos nos. O triste é que o ano pasado non votaron a favor dese presuposto e sabemos o por que, porque o único que lles interesaba era bloquear o funcionamento do Concello. Esa é a realidade ao igual que pasou co bono taxi, coas mesmas bases que as nosas e ao igual que o gasto corrente do POS, a nos non nos deixaban deixar máis que 45.000 euros e vostedes deixan

440.000 euros, e pasa cos orzamentos non lle valían os nosos e volven a presentar os nosos coa diferenza que inclúen, tanto en gastos como en ingresos, as posibles solicitudes de subvencións así como o POS.

O Sr. alcalde: Entón hai unha diferenza abismal porque antes non había nin solicitudes, esa é a realidade, nos en oito meses trouxemos os orzamentos ao Pleno e vostedes en dous anos e medio non quixéchedes, na primeira proposta que trouxeron vostedes figuraba en plena pandemia, a Festa da Terceira Idade e supoño que esa contía deberías de quitala porque se supón que durante a pandemia non se vai a facer ningunha festa da terceira idade, recorda vostede iso?.

O voceiro do Grupo Municipal do Partido Socialista, Sr. José Antonio Pereira: Pero quitouse despois de consensuar, porque o noso é consensuar e o seu é impoñer.

O Sr. alcalde: Pois claro que se quitou despois !. Pero vostedes en dous anos e medio non consensuaron nada e nos en oito meses traemos a Pleno os orzamentos, pódennlle gustar máis ou menos, pero o que hai que ser é coherentes, os gañadores desta situación son os veciños e veciñas do Concello da Baña porque podemos avanzar en situacións que estaban paralizadas e que crearon unhas tensións en tesourería brutais. Estívose todo un



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

ano 2021 sen ingresar nin un céntimo nunha Mancomunidade que está facendo servizos, eso é brutal, poño estes exemplos porque non se poden poñer moitos máis e despois vostede quere dar clases aos demais do que debemos facer.

O voceiro do Grupo Municipal do Partido Socialista, Sr. José Antonio Pereira: A consecuencia diso foi non deixar o suficiente en gasto corrente e o que fixeron vostedes foi bloquear, non foron capaces de votar a favor soamente se dedicaron a bloquear o funcionamento do Concello.

O Sr. alcalde: Pero a culpa do retraso do pago do IDAE non foi nosa, nos avisamos que se vos ía a pasar o prazo e tívose que facer unha reclamación que aceptaron e aínda así fíxose mal a xestión porque non se pediu un anticipo, non o pediron, gastaron os cartos que tiñamos nos aquí reservados. E a día de hoxe aínda non pagaron o IDAE.

O voceiro do Grupo Municipal do Partido Socialista, Sr. José Antonio Pereira: Pero perdeuse a subvención do IDAE?

O Sr. alcalde: Eu non digo que se perdera, digo que se fixo unha mala xestión, a xustificación non foi a adecuada. Este foi un entramado e deixaches todo como o rosario da Aurora. Obras rematadas e certificadas e ingresado o diñeiro e non pagabades aos construtores, cando é diñeiro deles. De todos modos agradécese que queiran votar a favor os orzamentos que traemos hoxe a Pleno a pesar das discordancias pero quero deixar claro que os números non son iguais.

O voceiro do Grupo Municipal do Partido Socialista, Sr. José Antonio Pereira: O capítulo II é cravado ao que nos presentamos no ano 2021.

En virtude do disposto no artigo 116 da Lei 7/1985, de 2 de abril, Reguladora das Bases do Réxime Local e no artigo 127 do Real Decreto 2568/1986, de 28 de novembro, mediante o que se aproba o Regulamento de organización, funcionamento e réxime xurídico das Entidades Locais, o Pleno da Corporación aproba, por maioría, o seguinte:

**Primeiro:** Aprobar inicialmente o Orzamento Xeral do Concello da Baña, para o exercicio económico 2022 xunto coas súas Bases de Execución, e por un importe total de 4.430.000,00 euros no orzamento de ingresos e de gastos.

**Segundo.** Aprobar inicialmente a plantilla de persoal, comprensiva de todos os postos de traballo reservados a funcionarios e persoal laboral.



## CONCELLO DA BAÑA

Praza do Concello, s/n  
15863 A Baña (A Coruña)  
Tels.: 981 886 501 / 981 886 516  
Fax: 981 886 616  
correo@concellodabana.gal  
www.concellodabana.gal

**Terceiro.** Expoñer ao público o Orzamento Xeral para o 2022, as Bases de Execución e plantilla de persoal aprobados, por prazo de quince días hábiles, mediante anuncios no Boletín Oficial da Provincia da Provincia e taboleiro de anuncios do Concello, a efectos de presentación de reclamacións polos interesados.

**Cuarto.** Considerar elevados a definitivos estes acordos no caso de que non se presente ningunha reclamación.

**Quinto.** Remitir copia á Administración do Estado e da Xunta de Galicia

**Sexto.** Se de traslado do presente acordo ós servizos municipais responsables da súa tramitación así como a aqueles terceiros interesados que obren no expediente

Ás 20:43 h., por orde da Presidencia, levántase a sesión, da que se estende a presente acta, do que eu, secretario-interventor, dou fe.

O alcalde  
José Andrés García Cardeso

O secretario-interventor  
Ricardo Garrido Caneda